


Prome edicion di Parada Hubenil a bai hopi bon



Esaki ta e imagennan di e prome parada hubenil of youth parade organiza dor di e ala hubenil di SAC, esta CCHA den combinacion cu e tradicional Parada di Blaas. En general por bisa cu e asistencia di participantenan tabata satisfactorio mientras cu e ambiente y comportacion di e hobennan tambe ta elogiabel. Polis no a confronta ningun circunstancia cu tabatin mester di nan envolvimento.

Esaki ta demostra cu hubentud por tin un rol activo y grandi den e programa y ehecucion di nos Carnaval. Comentario di un lector di Bon Dia despues di e parada tabata cu na inicio tabatin un grupo di hoben riba 'fourwheelers' cu no tabatin helm bisti caminda cu esaki ta necesario.

Sigur un sugerencia util cu organisador, participante y en particular autoridad lo tene na cuenta pa e proximo paradanan di e aña'ki como tambe di otro aña.

Den conclusion Alegria y Fantasia ta felicita no solamente CCHA pero tambe e hobennan di Youth Champagne pa nan presentacion ayera.

